

本书出版得到国家古籍整理出版专项经费资助

清代吏治史料

续
紫
書
局

官员銓选史料 二三

清代吏治史料

綫裝書局



巡撫福建等處地方提督軍務都察院右副都御史加一級紀錄一次駐劄福州府臣劉世明等謹

題為欽奉

上諭事該臣看得閩省原出仕各省知縣發回本省改補教職併在籍候選教職及丁憂服滿補用人員應於本省教職缺出推補茲奉

旨嗣後補用教職人員著每月一次具題永著為例欽此行據布政使潘體豐詳稱雍正七年閏七月分出有漳州府龍巖縣教諭王茂立居官溺職谷革員缺以泉州府舉人鄧勳爵抵補建寧府教授黃名家年老咨斥員缺以莆田縣進士已任河南密縣知縣發回改補教職之朱朗補用福州府閩清縣教諭陳芳濂調補彰化縣教諭員缺以泉州府副榜陳石鍾選用永福縣教諭李倪煜調補諸羅縣教諭員缺以汀州府恩貢楊盛綠選用建寧府松溪縣教諭洪淳瑛調補臺灣縣教諭員缺以延平府廩生捐貢捐教

諭單月用之李騰瑞補用建寧府壽寧縣教諭巫紹輝居官溺職咨斥
員缺以原任連江縣教諭丁憂服滿劉榮春補用造冊詳送前來除冊送
部外謹題請

旨雍正七年十月初七日題十一月十二日奉

旨該部議奏

經筵講官少保兼太子太保保和殿大學士兼管吏部戶部尚書事加二級臣張廷玉等謹

題為請補知州事該臣等議得署理廣東巡撫傅泰等疏稱原任和平縣知縣王植留心吏治勉力辦公先於調補沿海案內保題調補陽江縣知縣今羅定州係直隸知州管轄東安西寧二縣僻處山陬界連西粵較之陽江尤為緊要非才猷練達之員弗克勝任請即以王植補授羅定州知州底要地得人矣至王植先於調補陽江縣案內部覆俟到任辦理公事妥協之日赴部引

見今題補羅定州知州應否給咨引

見抑仍俟辦理該州事務停妥之日再行給咨令其赴部請

旨遵行等因前來

查羅定州係直隸州例應該督撫于通省知州知縣內

揀選保題調補今該署撫等既稱陽江縣知縣王植留心吏治勉力辦公請以補授羅定州知州等語應如該署撫所請陽江縣知縣王植准其

補授羅定州知州所遺陽江縣員缺係沿海地方應令該督撫照例揀補具題再查王植由和平縣知縣於本年四月內該署撫題調陽江縣知縣經臣部議覆令該員到任後辦理妥協該督撫委員署理再行送部引見奉

旨依議欽遵在案今題補羅定州知州亦應俟到任辦理妥協之日該署撫等委員署理給咨赴部引

見可也恭候

命下臣部遵奉施行臣等未敢擅便謹

題請

旨雍正七年十一月初七日題本月十四日奉

旨王植依議補授不必送部引見

經筵講官少保兼太子太保保和殿大學士兼管吏部戶部尚書事加二級臣張廷玉等謹

題為補授游牧地方理事員外郎事該臣等議得游牧地方理事員外郎根都思何員缺照理藩院咨送將護軍校鑲紅旗蒙古渣穆素擬正驍騎校鑲紅旗蒙古衮特黑擬陪臣等未敢擅便謹

題請

旨雍正七年十一月十一日題本月十四日奉

旨游牧員外郎員缺著擬陪之衮特黑補授

經筵講官少保兼太子太保保和殿大學士兼管吏部戶部尚書事加二級臣張廷玉等謹

題

為補授員外郎等官事該臣等議得禮部員外郎恩

戶部主事正藍旗六智擬正其陪不得應擬之人內閣漢軍侍讀劉永泰

員缺論俸制籤將黑龍江將軍衙門管檔主事鑲黃旗漢軍王士奇擬正

大理寺左寺正正紅旗漢軍臧應元擬陪

盛京工部員外郎溫普員缺論俸制籤將陝西西安府理事同知正藍旗永

泰擬正其陪不得應擬之人臣等未敢擅便謹

題請

首雍正七年十一月十一日題本月十四日奉

旨六智王士奇永泰俱依擬用

經筵講官少保兼太子太保保和殿大學士兼管吏部戶部尚書事加二級臣張廷玉等謹

題為補授中書事該臣等議得內閣中書萬珠蔭
寫中書錄紅旂馬常擬正貼寫中書正藍旂德魁擬陪內閣中書蘇昌
員缺照內閣咨送將貼寫中書正白旂圖桑阿擬正貼寫中書正白旂舒
赫德擬陪臣等未敢擅便謹

題請

宣雍正七年十一月十一日題本月十四日奉

旨馬常圖桑阿俱依擬用

經筵講官少保兼太子太保保和殿大學士兼管吏部戶部尚書事加二級臣張廷玉等謹

題為題明事雍正七年八月二十一日將揀選鹽庫大使等十七員帶領引

見奉

旨現出鹽庫大使八缺著紀功湯以忠鄭大位劉曰羣盧潮江同永程有勉高俊陸福宜趙聰黃璽吳捧日單奉文張錫疇等十四員籤掣補授其餘六員俟再有鹽庫大使缺出令其掣補欽此欽遵在案除廣東等省鹽庫大使

八缺已將紀功等掣補且題外查續出有雲南麗江井大使大井大使二缺廣東靖康場大使一缺臣部將湯以忠等陸員令其掣籤今鄭大位掣得麗江井大使程有勉掣得大井大使高俊掣得靖康場大使相應開列具

題俟

命下之日臣部照例給憑令其赴任所餘湯以忠等三員俟再有鹽庫大使缺出掣籤補授再查鹽大使係正八品職銜鄭大位程有勉高俊均係州同職銜應照例以原銜管大使事陞轉時仍照原銜陞轉恭候

命下臣部遵奉施行臣等未敢擅便謹

題請

旨

計開

鄭大位江南捐貢今掣雲南麗江井鹽課司大使

程有勉江南監生今掣雲南大井鹽課司大使

高俊山東監生今掣兩廣運司靖康場鹽課司大使

雍正七年十一月十一日題本月十四日奉

旨鄭大位等依擬用餘依議

經筵講官少保兼太子太保保和殿大學士兼當吏部戶部尚書事加二級
臣張廷玉等謹

題為欽奉

上諭事該臣等議得四川巡撫憲德等疏稱筠連縣試用知縣董元會新津縣
試用知縣張于宸合江縣試用知縣江聯輝南溪縣試用知縣李健永川
縣試用知縣李倬太平縣試用知縣張也明長壽縣試用知縣台琛南江
縣試用知縣董萬戶宜賓縣試用知縣許王謨以縣丞借署江油縣試用
知縣李愉岳池縣試用知縣楊樹烈巴州試用知州益用益等十二員俱試
用已滿一年或居官謹慎或辦事勤敏均能供職堪以實授江安縣試用
李秀會已滿一年才具平庸不諳吏治難勝縣令之任但該員係舉人出
身年力尚壯堪膺秉鐸請將董元會等各准其實授李秀會准其解任
回籍改補教職等因前來 查張于宸等俱係陸續引

見奉

旨命往試用之員今該撫等既稱試用已滿一年或居官謹慎辦事勤敏均能稱職堪以實授等語應如所請張于宸准其實授新津縣知縣江聯輝准其實授合江縣知縣李鼐准其實授南溪縣知縣李倬准其實授永川縣知縣張也明准其實授太平縣知縣台璵准其實授長壽縣知縣董萬戶准其實授南江縣知縣許王謨准其宜賓縣知縣楊樹烈准其實授岳池縣知縣孟用益准其實授巴州知州其候補縣丞李愉係先經奉

旨交與總督岳鍾琪酌量題補之員今該撫等既題請實授應准其以縣丞借補江油縣知縣陞轉時仍照原銜陞轉至筠連縣知縣董元會於本年九月內臣部議覆該撫等疏稱該員歷經委任勤慎謹飭請補授雅安縣知縣給咨赴部引

見可否准其補授之處恭候

欽定奉

旨依議欽遵在案是董元會實授筠連縣知縣之處應毋庸議其江安縣試用知縣李秀會既稱才具平常應准其回籍以教職補用倘改補之後不思

殫心竭力以盡職守有裒類怠惰等情令該督撫學政查叅議處所遺
筠連縣江安縣二缺現有

命往人員令該撫等酌量委署可也恭候

命下臣部遵奉施行臣等未敢擅便謹

題請

旨雍正七年十一月十一日題本月十四日奉

旨張于宸等依議補授餘依議

署理浙江巡撫事務浙江等處地方觀風整俗使都察院僉都御史紀錄
一次臣蔡仕舛謹

題為恭報微臣交代巡撫事務日期事竊照浙江督憲衙門於本月二

十二日奉

旨進京

陛見將浙江巡撫事務

題明交臣署理在案嗣緣督臣因丁母憂奉

旨任在任守制給假料理喪事其巡撫事務

命臣照前署理欽遵在案今接督臣知會于本年十月初二日回任到杭所有

巡撫衙門欽奉

聖諭廣訓書一本

上諭二道

上諭清漢書共十一本

聖諭一道繕錄歷年所奉

上諭七冊

王命旂牌八面桿副及吏書文卷等項臣隨于初二日差委署杭州府知府蔣林撫標中軍遊擊劉漢忠齎送督臣李衛查收外所有微臣交代巡撫事務日期理合

題報伏乞

皇上睿鑒敕部查照施行謹具奏

聞雍正七年十月初二日題十一月十四日奉

旨該部知道

經筵講官少保兼太子太保保和殿大學士兼管吏部戶部尚書事加二級臣張廷玉等謹

題為補授郎中事雍正七年十月初十日臣部將陝西辦理軍務之任戶部貴州司員外郎王原圻帶領引

見奉

旨王原圻在陝西辦理軍務甚屬効力著以戶部郎中用俟大軍凱旋時仍行議叙欽此欽遵在案今出有戶部廣西司郎中一缺相應遵

旨將王原圻補授可也臣等未敢擅便謹

題請

旨雍正七年十一月十二日題本月十五日奉

旨王原圻依擬用